

Bosna i Hercegovina
Federacija bosne i Hercegovine
Tuzlanski kanton
OPĆINA BANOVIĆI
Služba za opću upravu, geodetske,
imovinsko pravne poslove i katastar

Broj: 04-30-1141/2018

Datum: 09.10.2020. godine

U skladu sa Zaključkom općinskog vijeća Banovići broj: 01-04-218720 od 16.07.2020. godine, u cilju provođenja javne rasprave prije utvrđivanja prijedloga Odluke o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanju objekata na području općine Banovići, utvrđuje se:

OBAVIJEST

Obavještavaju se građani općine Banovići, kao i drugi subjekti koji djeluju na prostoru općine Banovići da se, u cilju realizacije projekta „Uspostava Adresnog registra na području općine Banovići“ provodi javna rasprava o utvrđenom Nacrtu Odluke o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanju objekata na području općine Banovići

Javna rasprava će se održati 15.10.2020. godine s početkom u 14:00 sati u zgradi Radničkog doma u Banovićima „Sala iznad radio stanice“.

Učesnici u javnoj raspravi djeluju na način da imaju pravo pristupa na javni uvid u nacrt Odluke o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanju objekata na području općine Banovići, postavljaju pitanja tijekom javnog izlaganja, na koja usmeno odgovaraju osobe koje vode javno izlaganje, daju prijedloge i primjedbe u zapisnik za vrijeme javnog izlaganja, upućuju nositelju izrade pisane prijedloge i primjedbe u roku određenom u Zaključku općinskog vijeća Banovići broj: 01-04-218720 od 16.07.2020. godine.

Utvrđeni Nacrt Odluke o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanju objekata na području općine Banovići bit će izložen, na oglasnoj tabli Općine i na web stranici Općine (www.opcina-banovici.com.ba).

Građani mogu svoje sugestije i prijedloge s obrazloženjima, predavati u pisanoj formi na samoj raspravi.

Sve dodatne informacije mogu se dobiti u službi za opću upravu, geodetske, imovinsko pravne poslove i katastar općine Banovići u zgradi općine, svakim radnim danom u vremenu od 12,00 do 14,00 sati.


Pozivaju se građani općine Banovići, kao i ostali subjekti da svojim učestvovanjem u raspravi aktivno djeluju na utvrđivanju konačnog teksta predmetne odluke.

Dostavljeno :

- 1x Radio Banovići,
- 1x Na oglasnu tablu općine Banovići
- 1x Na web stranicu općine Banovići
- 1x Savjetima mjesnih zajednica i
- 1x a/a.

POMOĆNIK NAČELNIK

Dizdarević Senada, diplomirani pravnik



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE**

Broj: 01-04-218/20

Datum, 16.07.2020.godine

Na osnovu člana 13.Zakona o principima lokalne samouprave u FBiH (« Sl.novine FBiH», broj 49/06), člana 25. Statuta općine Banovići (« Sl.glasnik općine Banovići», broj: 2/20), člana 96. Poslovnika općinskog vijeća Banovići (« Sl. glasnik općine Banovići», broj 7/06, 9/11,1/17), Općinsko vijeće Banovići na 39.redovnoj sjednici održanoj dana 16.07.2020.godine, razmatrajući nacrt Odluke o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanje objekata na području općine Banovići, donijelo je slijedeći:

ZAKLJUČAK

I

Općinsko vijeće usvaja nacrt Odluke o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanje objekata na području općine Banovići kao dobru osnovu za izradu prijedloga navedene Odluke. Općinski vijećnici, klubovi Općinskih vijećnika i svi zainteresirani subjekti mogu do 31.12.2020.godinu u Stručnu službu Općinskog vijeća mogu u pismenoj formi dostavljati svoje primjedbe, prijedloge i sugestite, a sve u cilju izrade što kvalitetnijeg prijedloga navedene Odluke.

II

Zaključak stupa na snagu danom donošenja i objavit će se u «Službenom glasniku općine Banovići».

PREDSJEDAVAJUĆI OPĆINSKOG VIJEĆA



Nermin Delagić

Na osnovu člana 8. i člana 13. Zakona o principima lokalne samouprave u FBiH ("Službeni novine FBiH", broj: 49/06) i na osnovu člana 26. Statuta Općine Banovići („Službeni glasnik Općine Banovići“, broj: 2/20), člana 91. Poslovnika o radu Općinskog Vijeća („Službeni glasnik Općine Banovići“, broj: 7/06 i 9/11), Općinsko vijeće općine Banovići na _____. redovnoj sjednici održanoj dana _____. godine, donosi

O D L U K U

o određivanju naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanju objekata na području općine Banovići

I. UVODNE ODREDBE

Član 1.

Ovom Odlukom određuju se naselja (poligoni) u obuhvatu naseljenih mjesta, njihovi nazivi, potvrđivanje ulica, trgova i poslovnih zona (poligona) kao i njihovih naziva, te njihovom označavanju sa nazivima i numerisanju objekata na području općine Banovići

I.1 Značenje pojmova

Član 2.

Pod **naseljenim mjestom** podrazumijeva se dio područja jedinice lokalne samouprave koja po pravilu obuhvata jedno ili više naselja sa područjem koje pripada tom naseljenom mjestu. Na području jedne općine dva ili više naseljenih mjesta ne mogu imati isti naziv, a nazivi naseljenih mjesta utvrđuju se zakonom.

Pod **naseljem** se podrazumijeva izgrađen, nastanjen, prostorno i funkcionalno objedinjen dio naseljenog mjesta.

Ulica je javna površina namijenjena pješačkom i cestovnom prometu, ukoliko su izgrađeni objekti najmanje sa jedne njene strane ili je planirana izgradnja.

Trg je otvoreni prostor okružen kućama/zgradama koji se obično nalazi u srcu grada i na kojem se okuplja zajednica.

Objekti za numeraciju u skladu sa ovom odlukom su građevinski objekti koji služe za stambene, poslovne namjene, te zgrade za privremeno stanovanje (vikendice idr.).

Član 3.

Naseljena mjesta na području općine Banovići određena su Zakonom o utvrđivanju naseljenih mjesta i o izmjenama u nazivima naseljenih mjesta u određenim općinama Pročišćeni tekst („Službeni list SRBiH“, br. 24/86, 33/90, 32/91 i „Službene novine Federacije BiH“, br. 14/04, 59/05, 68/05, 81/11 i 25/12), i to: Banovići, Banovići Selo, Borovac, Čatići, Gornji Bučik, Grivice, Lozna, Milići, Mrgan, Omazići, Oskova, Podgorje, Pribitkovići, Repnik, Seona, Stražbenica, Treštenica Donja, Treštenica Gornja, Tulovići i Željova.

II PREGLED GRANICA POSTOJEĆIH NASELJENIH MJESTA I FORMIRANJE NASELJA U OKVIRU NASELJENIH MJESTA

Član 4.

Pregled naseljenih mjesta na području općine Banovići prikazane su na grafičkom prilogu broj 1. koji je sastavni dio ove odluke (pregledna karta granica naseljenih mjesta na području općine Banovići), na način da su označene narandžastim linijama.

Član 5.

Na području općine Banovići u okviru odnosno obuhvatu postojećih naseljenih mjesta, izuzev naseljenih mjesta Čatići, Mrgan, Seona i Lozna, **potvrđuju se ulice** te određuju naselja u sledećem:

- U naseljenom mjestu Banovići Odlukom općinskog vijeća općine Banovići formirane su ulice : "Željeznička", "Alije Izetbegovića", "Zanatska", "Rudarska", "Habetova", "7. Novembar", "Husinske bune", "Alije Dostovića", "Školska", "Vidikovac", "Armije BiH", "Božićka Banovića", "10. septembar", "Patriotske lige", "Civilnih žrtava rata", "119. Muslimanske brdske brigade", "Litva", "Rasadnik", "Radinskih rudara", "Radnička", "Breštica dio", "Ljiljana", "Kulina bana", "Bosanska", "Školska" (dio ulice), "Jelah", "ZAVNOBIH-a", "Jezero", "ORB", "Brezici", "Vidikovac" (dio ulice), "Armije BiH" (dio ulice) i "Kredit mahala"
- U naseljenom mjestu Banovići Selo određuju se naselja: Centar, Brezje, Kasumovići, Odžak, Selo II, Gaj i Ramići
- U naseljenom mjestu Borovac određuje se naselje: Borovac
- U naseljenom mjestu Gornji Bučik određuje se naselje: Lugavići
- U naseljenom mjestu Grivice određuju se naselja: Centar, Pirići, Mrdići, Dijaci i Čifluk
- U naseljenom mjestu Milići određuju se naselja: Milići i Pašići
- U naseljenom mjestu Omazići određuju se naselja: Čolići, Gutići, Husanovići, Beširovići i Durakovići
- U naseljenom mjestu Oskova određuju se naselja: Centar oskove, Brioni i Odorovići
- U naseljenom mjestu Podgorje određuju se naselja: Bagremik, Savići, Veseli Brijeg, Čubrić i Mušići
- U naseljenom mjestu Pribitkovići određuju se naselja: Podostrić, Dostovići, Gornji Pribitkovići i Pašići
- U naseljenom mjestu Repnik određuju se naselja: Hrvati, Mrljevići, Nasubašići, Bečići, Ul. Radnička do Breštice i ul. Breštica
- U naseljenom mjestu Stražbenica određuju se ulice: Centralna ulica, I ulica, II ulica, III ulica, IV ulica, V ulica i VI ulica.
- U naseljenom mjestu Treštenica Donja određuju se naselja: Brezje, Salamići, Podovi, Hamzići i Golići
- U naseljenom mjestu Treštenica Gornja određuju se naselja: Golići i Krševac
- U naseljenom mjestu Tulovići određuju se naselja: Brigići, Mecići, Delići, Handalići, Gaj, Šehića Potok i Draganja
- U naseljenom mjestu Željova određuje se naselje: Željova

Posebnom odlukom općinskog vijeća općine Banovići će biti određena naselja i njihovi nazivi, označavanje u nazivima novih naseljenih mjesta, naselja i ulica, te numerisanje objekata na područjima koje zahvataju postojeća naseljena mjesta Čatići, Mrgan, Seona i Lozna.

Član 6.

Granice naselja i ulica u okviru odnosno obuhvatu naseljenih mjesta na području općine Banovići iz člana 5. ove odluke, prikazane su na grafičkom prikazu broj 2. koji je sastavni dio ove odluke (pregledna karta granica naselja-ulica u okviru-obuhvatu naseljenih mjesta na području općine Banovići) na način da su označene plavim linijama.

III OZNAČAVANJE NASELJENIH MJESTA I NASELJA

Član 7.

Označavanje naseljenih mjesta i naselja-ulica u obuhvatu naseljenih mjesta na području općine Banovići u skladu sa ovom odlukom obavljaju Služba za opću upravu, geodetske, imovinsko pravne poslove i katastar općine Banovići i Služba za stambeno komunalne poslove, društvene djelatnosti i zajedničke poslove.

Član 8.

Naseljena mjesta označavaju se metalnim tablama-pločama sa nazivom naseljenog mjesta.

Metalne table-ploče izrađene su od čvrstog nerđajućeg lima, dimenzija 95x65 cm, postavljene na dva posebna metalna stuba od 5x4 cm u visini od 2 m iznad zemlje i 0,5 m u zemlji, koji su spojeni poprečnim šipkama iste dimenzije u obliku saobraćajnog znaka (skica 1.), postavljeno s desne strane ceste ili drugog kategorisanog/nekategorisanog puta.

Ploče-table su silver boje, a nazivi naseljenih mjesta su ispisani velikim štampanim slovima, pismom latinice, crne boje.

Član 9.

Naselja se označavaju sa metalnim tablama-pločama sa nazivima navedenog naselja.

Metalne table-ploče izrađene su od čvrstog nerđajućeg lima, dimenzija 70x50 cm, postavljene na dva posebna metalna stuba od 5x4 cm u visini od 2 m iznad zemlje i 0,5 m u zemlji, koji su spojeni poprečnim šipkama iste dimenzije u obliku saobraćajnog znaka (skica 2.), postavljeno s desne strane ceste ili drugog kategorisanog/nekategorisanog puta.

Ploča-tabla je zelene boje a naziv naselja je ispisan velikim štampanim slovima, pismom latinice, žute boje.

IV OZNAČAVANJE ULICA, TRGA I POSLOVNIH ZONA

Član 10.

Označavanje ulica, trgova i poslovnih zona u obuhvatu naseljenih mjesta na području općine Banovići u skladu sa ovom odlukom obavlja Služba za opću upravu, geodetske, imovinsko pravne poslove i katastar općine Banovići i Služba za stambeno komunalne poslove, društvene djelatnosti i zajedničke poslove.

Član 11.

Ulice, trg i poslovne zone se označavaju sa metalnim tablama-pločama sa ispisanim nazivima ulica, trga i poslovne zone, tako da se:

- U svakoj ulici na početku i na kraju ulice sa obje strane postave ploče sa nazivima ulice,
- Na trgu na mjestu spajanja ulica sa trgom postave table sa nazivom trga

Metalne table-ploče su dimenzija 50x30 cm, postavljene na zgradi u obliku saobraćajnog znaka na visini koja je pregledna prilikom prolaska samom ulicom.

Metalne table-ploče su pričvršćene na zrade putem posebnog lijepka.

Ploče-table su zelene boje a nazivi ulica, trga i poslovnih zona ispisani su slovima pismom latinice, žute boje.

S obzirom da su nazivi ulica i numeracija objekata na području naseljenog mjesta Banovići izvršeni i da su u skladu sa naprijed navedenim, isto se preuzima sa naznakom da će se izvršiti pregled i eventualna popravka, zamjena i dopuna u označavanju ulica odnosno numeraciji objekata navedenog naseljenog mjesta.

V NUMERISANJE OBJEKATA U NASELJIMA

Član 12.

Numerisanje objekata u naseljima-ulicama na području općine Banovići vrši se putem kućnih brojeva.

Utvrđivanje i označavanje objekata putem kućnih brojeva vrši se posebno za svako naselje i svaku ulicu.

U okviru jednog naselja odnosno jedne ulice dva ili više objekata ne mogu imati isti kućni broj.

Objektu naknadno sagrađenom između objekata za koje je izvršeno numerisanje dodjeljuje se kućni broj susjedne zgrade sa manjeg broja, kome se dodaje velika slovna oznaka po abecednom redu.

Kućni broj je metalna pločica na kojoj se u gonjem dijelu ispisuju naziv naselja-ulice, trga ili poslovne zone i arapski brojevi na sredini.

Dimenzija pločice je 20x20 cm.

Kućni broj (metalna pločica) sa nazivom naselja, ulice, trga ili poslovne zone sa arapski brojem je zelene boje, gdje je naziv naselja, ulice, trga ili poslovne zone i broj ispisani žutom bojom.

Dodjela brojeva objektima po naseljima vrši se na temelju programa o uspostavi adresnog registra.

Tablice sa arapskim brojevima postavljaju se sa desne strane ulaza objekta ili iznad ulaza u objekat vodeći računa da je isti na vidljivom mjestu.

VI OSTALE ODREDBE

Član 13.

Nabavka i postavljanje tabli sa nazivima naseljenih mjesta, naselja i tablica sa brojem za numeraciju objekata izvršit će se u skladu sa zakonom o javnim nabavkama.

Sredstva za nabavku i postavljanje tabli za označavanje naseljenih mjesta i naselja snosi općina Banovići, kao i sredstva za nabavku i postavljanje kućnih brojeva -tablica sa brojem za numeraciju postojećih objekata.

Sredstva za nabavku i postavljanje kućnih brojeva -tablica sa brojem za numeraciju objekata koji se izgrade nakon okončanja projekta ili se eventualno fizički unište snose vlasnici objekata.

Iznos za nabavku i postavljanje kućnih brojeva -tablica sa brojem za numeraciju objekata, koji se izgrade nakon okončanja projekta ili se eventualno fizički unište a koji snose vlasnici objekata, te način uplate istog, odrediti će se naknadno u skladu sa pristiglim ponudama za nabavku istih.

Član 14.

Vlasnik objekta dužan je omogućiti i dopustiti postavljanje tablice na objekat koji je u njegovom vlasništvu odnosno posjedu.

Član 15.

Zabranjeno je neovlašteno označavanje ili skidanje postavljenih tabli sa nazivima naseljenih mjesta, naselja, ulica, trga i poslovnih zona, pločica sa brojem za numerisanje objekata, te oštećivanje i narušavanje izgleda navedenih tabli, odnosno tablica.

Služba za budžet, finansije i inspeksijske poslove putem komunalnih inspektora, te Policijska stanica Banovići putem svojih organa će vršiti nadzor u smislu otkrivanja i sprečavanja protivpravnih radnji iz stav 1 ovog člana.

VII REGISTAR NASELJENIH MJESTA, NASELJA I KUĆNIH BROJEVA

Član 16.

Služna za opću upravu, geodetske, imovinsko pravne poslove i katastar dužna je uspostaviti i voditi Adresni registar u skladu sa ovom odlukom a koji će sadržavati:

- Matični broj i naziv općine
- Naziv i broj katastarske općine
- Matični broj i naziv naseljenog mjesta
- Naziv ulice odnosno naselja.
- Kućni broj objekta u ulici odnosno naselju

VIII NADZOR

Član 17.

Nadzor nad provođenjem ove odluke vrši Služna za opću upravu, geodetske, imovinsko pravne poslove i katastar.

Član 18.

Odluka stupa na snagu danom objavljivanja u „Službenom glasniku“ Općine Banovići.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE**

Broj: _____/20

Datum: _____2020. godine

PRESJEDAVAJUĆI OPĆINSKOG VIJEĆA

Nermin Delagi

O b r a z l o ž e n j e

Nakon potpisivanja akta o saradnji između Općine Banovići i Federalne uprave za geodetske i imovinsko pravne poslove Služba za opću upravu, geodetske, imovinsko pravne poslove i katastar općine Banovići je pristupila izradi projekta uspostava Adresnog registra na području općine Banovići.

U samom procesu navedenog projekta održan je niz sastanaka kako bi se što relevantnije sagledalo stanje na terenu te navedena odluka uskladila sa već postojećim odlukama Općinskog vijeća koje se odnose na navedenu oblast.

Prije samog sačinjavanja prijedloga navedene Odluke održani su sastanci sa predstavnicima mjesnih zajednica gdje je predstavljeno na šta se navedeni projekat odnosi odnosno sam cilj projekta.

Cilj navedenog projekta je da se uredi cijelo područje općine Banovići kada su u pitanju adrese, te da se pripreme podaci kao podloga za neposredno označavanje naselja, ulica, trgova i poslovnih zona imenima, te objekti brojevima, kao i izrada registra o izvršenom označavanju.

Navedena odluka se odnosi na određivanje naselja i njihovih naziva u obuhvatu naseljenih mjesta, potvrđivanje ulica, trgova i poslovnih zona, označavanju naseljenih mjesta, naselja i ulica njihovim nazivima, te numerisanju objekata na području općine Banovići izuzev područja koje obuhvataju postojeća naseljena mjesta Seona, Lozna, Mrgan i Čatići iz razloga što su pokrenuti postupci za formiranje novih naseljenih mjesta na navedenom području. Odluka koja će rugilisati određivanje naselja i njihovih naziva u obuhvatu новоformiranih naseljenih mjesta, označavanju istih, te numerisanju objekata bit će donešena po okončanju procedure o njihovom uspostavljanju.

Obrađivač


Služba za opću upravu, geodetske
imovinsko pravne poslove i
katastar općine Banovići

Predlagač

Općinski načelnik


Pregledna karta naseljenih mjesta na području Općine Banovići

Grafički prikaz br. 1



Pregledna karta naselja-ulica u okviru-obuhvatu naseljenih mjestâ na području Općine Banovići

Grafički prikaz br. 2



LEGENDA:

Granica Općine Banovići

Granice naseljenih mjestâ

Granice naselja-ulica (poligoni)

Napomena: Poligoni (granice naselja) nisu prikazani za naselja unutar naseljenih mjestâ: Čatići, Mrgan, Lozna i Seona;




**IZGLED I DIMENZIJE TABLE NASELJENOG MJESTA NA
PODRUČJU OPĆINE BANOVICI**



Skica br. 1

**IZGLED I DIMENZIJE TABLE NASELJA NA PODRUČJU
OPĆINE BANOVIĆI**



Skica br. 2

PRIMJER ADRESE NAKON USPOSTAVLJANJA ADRESNOG REGISTRA ZA PODRUČJA OPĆINE BANOVIĆI:

Ime i prezime/Naziv primaoca

Naseljeno mjesto, ulica i kućni broj/broj ulaza/sprat/broj stana

Poštanski broj i naziv mjesta (odredišna pošta) - politička općina

Naziv ili skraćenica države za pošiljke u međunarodnom prometu

Primjer 1.:

**Dizdarević Senada,
Banovići, ul. Patriotske lige br. 9
75 290 Banovići
BiH**

Primjer 2.:

**Lapandić Eldis,
Banovići Selo, Ramići br. 26
75 290 Banovići
BiH**

NAPOMENA:

Nakon uspostave adresnog registra za područje Općine Banovići a u slučaju potrebe stanovnici mogu dobiti uz adresu i povlačenje katastarske čestice iz Adresnog registra.

